



Ariketa hauek Ikasbileko 2054104 jardueran aurkituko dituzu

## 1- Entzun aurretik

### 1.1 Enbor bereko ezpala



Gaurko atalaren izenburua duzu “enbor bereko ezpala” esamoldea. Zein testuingurutan erabiliko zenuke? Aukeratu

- Zuhaitz batetik egur asko atera daitekeela esateko
- Txikia handia bezain garrantzitsua dela adierazteko
- Bi pertsonen artean antzekotasun handia dagoela adierazteko
- Berdinak ez izan arren, leku beretik sortuak direla adierazteko



Irakurri beheko esaldiak, denak antzeko zentzua dute, bat izan ezik. Zein? Eman arrazoiak

- Nolako txakurra, halako jabea
- Aitaren ezpalekoa dator semea
- Peruk beste hariko ezpala dirudi
- Bikiak izanda eta berdin jantzita, bi ur tanta bezalakoak dira

---


---

---

---

### 1.2 Esamoldeari buruz pentsatu duzuna



Komentatu zure ikaskidearekin zer erantzun duzun  ariketan. Ondoren, aukeratu zuen ustez nori buruz esango duten esamoldea elkarriketan. Egiaztatzeko, audio-pasartea entzun; ea asmatzen duzuen!

- Jon eta bere aita oso antzekoak direla adierazteko
- Oskar eta Niko berdin-berdinak direla esateko
- Joneren senar ohiak eta haren aitak antza handia dutela adierazteko
- Jone bere amaren oso izaera bertsukoa dela esateko

## 2- Entzun bitartean



### 2.1 Aita-amaginarrebak

Jone bere aita-amaginarrebei buruz aritu da gaurko atalean. Irakurri baieztapenak eta esan egia ala gezurra diren.



- Oskarren gurasoak astun samarrak iruditzen zaizkio Joneri
- Batez ere, Oskarren aita egiten zaio jasanezina
- Okerren eramaten duena da Oskarren ama bere itxurari buruz iritzia ematea
- Oskar bere aita bezalako da, azkar ustekoa eta harroputza
- Oskarren gurasoak gazte plantak egiten dute eta arriskutsuak iruditzen zaizkio Joneri
- Jonen ustetan, Oskarren gurasoak, adinean gora egin ahala, izuagoak bihurtu dira
- Joneren aita-amaginarrebei Niko izena oso modernoa iruditzen zaie eta Nikolas baino gehiago gustatzen zaie.

### 2.2 Zahartzen ari gara, Jone!



Bikoteak zahartzaroari buruz esandako hainbat esaldi dituzu segidan. Aukeratu erantzun posible bana kasu bakoitzean eskatzen denari erantzuteko.

#### 1. Aukeratu Jonek “zahar modernoei” buruz zer esan duen

- Ez dago bere burua zahartzat duen jende modernoa bezalako jende arriskutsurik
- Ez dago beren burua modernotzat duten zaharrak baino jende okerragorik
- Ez dago beren burua modernotzat duten zaharrak bezalako jende zaharragorik

2. “Ez dakit, nazkagarria ez nuke esango, baina orain ez dut gogorik izaten. Zahartzen ari garela, Jone!” Zertaz ari da Jon?

- Larrua jo ostean zigarroa erretzeari buruz
- Zahartzaroan larrua jotzea nazkagarria iruditzen zaio
- Larrua jotzeko gero eta gogo gutxiago izaten duela

**3. Bukatu Joneren esaldia: “ Zahartzen garen heinean...**

- Lasaiago bihurtzen joaten gara
- Gure seme-alabekin egoteko gogo handitzen joaten da
- Gure gurasoen itxura hartzen joaten gara**

**3- Entzun ondoren**

**3.1 Nolako zahartzarora izango duzu?**



Bikoteak zahartzaroari keinua egin diote gaurkoan. Zuk nola imajinatzen duzu zure zahartzarora? Zerikusia al du horrek etxean ezagutu duzunarekin? Noren antza (fisiko zein izaera aldetik) duzula esango zenuke?

**Prozedura:**

1. Nola imajinatzen duzu zure zahartzarora? Erantzuna aukeratu edo zeurea idatzi.

**Nola imajinatzen duzu zure zahartzarora?**

- Beti gazte horietakoa....
- Sutondoan goxo ...
- Bizimodu naturalaz gozaten...
- Ikasi eta ikasi...
- Zaharren egoitzaren batean...
- Besterik: \_\_\_\_\_



2. Irakurri beheko testua eta ondoren, pentsatu aukeratu duzun bizimodu horretan: zergatik aukeratu duzun, nolakoa izango den, zer irabazi edo zer galduko duzun aukera hori eginda, noren antza izango ote duzun... eman ahalik eta xehetasun gehien.



*Nola imajinatzen dudan nire **zahartzaroa**? Nahiko garbi daukat **baserrian** emango dudala. Ezin dut beste inon imajinatu. Nola ba? Nire gurasoak, aitona-amonak eta haien gurasoak ere, hil arte, hantxe bizi izan dira-eta. Beti esan izan didate **amaren antza** daukadala eta **adin batetik aurrera**, hori **gero eta nabariagoa** egiten da. Nik uste dut, gainera, inbidia pitin bat ere ematen didala amak, beti sasoiko, **adinean aurrera badoa ere**, lanean aktibo mantentzen baita denbora luzez. Baratzean jardun, abereak zainduz eta etxekoez gozatuz bere eguneroko denbora ondo sano betetzen duelakoan nago. Zoriontsu eta osasuntsu ikusteak benetan pozten nau.*

*Oso pertsona xumetzat daukat neure burua, **naturaz eta familiaz gozatzea** gustuko duena. Agian **ez dut aukerarik izango** beste leku asko ezagutzeko, baina ez dit gehiegi axola; izan ere, maite duzunaz inguratuta bizi bazara, zer inporta du lekuak?*

3. Orain, elkartu zure ikaskidearekin eta eman elkarri zuen bizimoduaren berri. Apuntatu zure ikaskideari entzun dizkiozun ideiarik onenak eta partekatu talde handian

---

---

---

---

---

---

---

---

---

---

4. Azkenik, bildu denen artean atera dituzuen ondorioak eta zerrenda batean jaso euskaltegiko blogean argitaratzeko.

---

---

---

---

---

---

---

---

---

---